

آبونه شماره اظہار

ممالک عثمانیہ دہ سنہ لکی (۶۵)، آلتی
آلمنی (۳۵) غروشدور .
ممالک اجنبیہ دہ سنہ لکی (۱۷)، آلتی
آلمنی (۹) ذرا نقدر .

ادارہ خانہ

باب عالی جادہ سندھ دائرہ مخصوصہ

اظہارات

آبونه بدلی پشیندر

§

مسلمک موافق آثار مع المنونہ قبول
اولنور . درج ایدلہ یں یازیلر اعادہ
اولونماز .

الکشاف

۱۳۳۰

دینی، فلسفی، علمی، ادبی ہفتہ لقی مجموعہ اسلامیہ در .

اتبعون اهدکم سبیل الرشاد

صاحب و مدیر

سر محرر

ع . اشرف ارباب

محمد عاکف

واللہ یمہدی من یشاء الی صراط مستقیم

مطبوعات

حرب حاضرین آلمان در سرب

خسر الدنیا والاخرہ

فرانسزل طرفدن يك انصافسز بر صورتده داتما ايلك صف حربہ
واك تہلكہ كلی نقطہ لہ سوق ایدیلہ رك قیردیر بلان ، مدہش طوب
آتشلرینہ قارشئ جانلی سپر اتخاذا ایدیلن جزایرلی و سودانی دیندار
شلمزك نہ دنیادہ ، نہ عقبادہ خسراندن باشقہ هیچ بر فائدہ بخش
ایتمہك ہجوملرینی مصور بر منظرہ قارشوسندہ تصفیر افكار رفیقزك
جان وكوكلدن آقیتدینی كوز یاشلری :

« بورسم ، ہر مسلماننی درین درین دوشونیدردك فجیع منظرہ لر دندر .
زواللی آفریقا اقوام اسلامیہ سی ! هیچ بر طرفدن تشویقات تمدنیہ کورمدکلری
حالہ مجرد اسلامیتك بخش ایتدیکی قوہ ساخرانہ سامسندہ یری اقوامك اك
ممتاز و مستعد زمرہ سنی تشکیل ایدن مسلمانلر کندی کندیلرینی حسن اداره
ایدهك دولتلر حالندہ تشكیل ایدہ بیلرکن ، بر طرفدن اچلرندہ قوای متفرقہ لرینی
جمع و توحید ایدہك زماندارلر ظهور ایتہ سی ، دیگر طرفدن غربك عاجزہ
قارشئ يك غدارانہ استعمال ایتدیکی وسائط مدہشہ تخریبیہ مادہ مقابله
ایدمہك یوزندن نہایت بر بر کرداندادہ تابعت و اسارت اولمشلر و شدیدیہ
بولہ هیچ دخل و منفعلتری اولمایان بر حربہ سوق ایدیلہك محو و پریشان
ایدلکدہ بولمشلردر . معافیہ ہر اسلام ایچون يك دلغراش اولسی لازم کان
شومنظرہ دہ بنہ بادی تسلئ بر نقطہ واردرك اودہ دیندارلر مزك آلمانلرک او
يك مدہش عد ایدیلن آتشاری قارشوسندہ کوستردکلری جسارت و شجاعتدر .
بودکلری ، شجیع وفداکار عسکرلر ، کندیلرینك قیمتی بحق تقدیر ایدن الارک
زیر اداره سندہ اولسہ بدی عجب اولنلر نہ جہانگیرانہ موقیتلر
قازانیمازدی ... »

۴۵۰ میلیون مسلمانلق عالمی خلیفہك امرینہ منتظر در

« قامانا » غزہ سنك بر مقالہ سندن :

عثمانی حکومتك پادشاهی ، آق دکرذن تا هندستان و آفریقا
سواحلتہ قدر اولان مالکدہ ساکن ۴۵۰ میلیون مسلمانك
خلیفہ سیدر . اسلام دینا آکا مرہوطدرلر . قافقاسیہ دہ اسلاملر روسیہك ،
هندستاندہ انکثرہك ، آفریقادہ فرانسهك تحت اداره سندہ درلر . اگر
حکومت عثمانیہ روسیہ ایلہ محاربہ ایدہك اولورسہ بو حرب عمومی بر محاربہ
شکلنی اخذ ایدہجکدر . ایران روسیہ علیہنہ محاربہ یہ اشتراك ایدہجکی کبی
هندستان و آفریقادہ کی مسلمانلر دہ سلاح اختلالہ صاریلہ جقلردر . زیرا اورالردہ کی
مسلمانلر هیچ بر وقت خلیفہ لرینك اوامری خلافتہ حرکت ایدہ منزل . بوندن
ماعدہ حکومت عثمانیہك موقعیہ غایت مہمدر . آوروپا ، آسیا و آفریقانك

بوتون دنیادہ مادی و معنوی يك عظیم انقلاب برہ بادی اولہجق حرب
حاضرین فردلر ، جمعیتر ، ملتلر ، حاصلی بوتون جہان بوکون بویوک
بویوک درسار آلپور . بودرسار میانندہ بزجہ اك مہمی بوقدر قدرت
وقوتلہ برابر آلمان ایمپراطورینك ، آلمان قوماندانلرینك جناب حق
دیللرندن دوشورمہ ملری ، مظفریتلرینك شرفی جناب حقہ براقلری در .
شیمدی بہ قدر آلمان ایمپراطورینك هیچ بر نطق یوقدرکہ مظفریتی
جناب حقك لطف و معاونتہ تفویض ایتہ مش اولسون . جنرال ہیدنبورغ
کبی جہانگیر بر قوماندان روسلرک بشیوز بیک کشیکلر اوردولرینی
پریشان ایتدکدن ، یوز بیکلر جہ اسیر آلدقندن سوکرا شجیع عسکرینہ
بر بیاتنامہ نشر ایدیور : علی العادہ بر وظیفہ سنی ایفا ایتمش کبی هیچ
غشور کتیرمہ یہ رك کمال تواضعلہ عسکرینی تلغیف ایدیور و سوکندہ دہ
« بومظفریتك شرفی جناب حقہ براقہرق وظیفہ مزنی اکالہ چالیشلم »
تسلیمیتیلہ بیاتنامہ سندہ نہایت ویریور . ایشتہ بو ، مسلمانلرک تلقین
ایتدیکی احکامہ رعایتدن بشقہ برشی دکدر : « فاذا عزمت فتوکل
علی اللہ . »

طوب ، توفک ، زرہلی ، طیارہ ، حاصلی قرملردہ ، دکزلردہ ،
ہوالردہ قوت نامنہ نہ دارسہ کوجنك یتدیکی قدر چالیشہرق ، بر آن
عطالتہ دوشمکسزین کیجہ کوندوز اوغراشہرق ہپسنی اعداد واحضار
ایتدکدن سوکرا کندی دت طرفدن صاران اردولرہ متوکلا علی اللہ
ہجوم ایدیور و مظفر اولیور .

ایشتہ انسانلرک ، ملتلرک بقا و حیاتی ایچون وضع ایدیلن و واسطہ
رسول ذیشان ایلہ مسلمانلرہ تبلیغ بویورولان بوقوانین الہیہ خلقت
وطبیعتك قانونلری قدر قطعی ولایتیدر . مسلمانلر بو کبی اوامر الہیہ یی
باشقہ ملتلرہ بالنعل اوکرمدہ رك بوتون جہاندہ نمونہ امتثال اولہجق
ایکن نہ غریبدرکہ بوکون باشقہ لرندن عبرت آلمق درکہ سندہ بولونیورلر !
کتاب اللہ اللرنندہ اولدینی حالہ سائتہ غفلتہ حقایق دینہ دن ذہول
ایدن مسلمانلرک بو حالی ، کونشی کورمك ایچون طوغرودن طوغرویہ
اکا توجہ ایتیبودہ شمسك صویہ عکس ایدن خیالہ باقان ، یعنی کوکدہ کی
کونشی یردہ آریان پیارہك حالہ بکزر . فاعتبروا یا اولی الابصار ! ..

نقطه التصاقده بولونمده در . بكون قره دن عثمانی حكومتی قفقاسیه یی اشغال ایده بیلیر . دها بیوك بر قوتلده مصر اوزرینه هجوم ایله انكتره یه بیوك بر ضربه اورور . مصر ایسه هندستانك قابوسیدر . هندستان ایسه تجارت عالمك كرز به لیدر . آنك ایچون مصر وسویش قناتك ضابطی انكتره نك هندستان یولی بوسوتون سگمه دار ایدر . عثمانلیار ، بو بجرانی زمانده استادده ایتمه نك طریقنی پك اعلا كشف ایتشلردر . بونك ایچون ده کیجه کاندوز جالیبیورلر ... »

انتباه اسلام

هندستانده « قالكوتہ » شهرنده فارسى لسانيله منتشر (جبل المتین)

غزته سندن :

دوات علیه عثمانیه نك حرب عمومى عقینده قواى بریه سنی سفر برلکه وضع ایتك صورتله سلاح آتیه آله یی یوز بیکرجه عسکرینی جداله مهیا بر خالده حدودلره سوق وتحشید ایتمی کیفیتی بوسرده زیاده سیله جالب نظر دقتدر . آلمانیا حكومتك دولت علیه شو بجرانی زمانلرده اك كوزل حرب کیلردن معدود اولان ایکی بیوك سفینه صاعسی نظر تأمله آله جق اولورسه ق آلمانیا نك - حرب عمومى ائساننده - یالکز عثمانلیلری دكل ، یر یوزنده موجود بالعموم مسلمانلری کندیسنه جلب وجذب ایتك فکرنده بواندینی واضحا آ کلاشیایر . عالم اسلام اوزرنده پایانسز بر نفوذ مالک بولونان سلطنت عثمانیه ، شبهه سزکه آلمانلرک حرکتنی اونو تمیه جق ومدی اولسه بیله معنا کندیلرینه یاردیم ایتکدن چکیمیه جکدر .

انكتره خارجیه ناظری سیر ادوار غره ی ایسه طرابلس ، بالقان محاربه لری ائساننده اوینادی رولارله ، چویردیکی فنا ومدھش انتریقهلرله عثمانلیلری انکیزلردن صغومغه سبب اولدی . عثمانلیلرله انکیزلر بیننده عنعنه حائی آلان مناسبی آلت اوست ایدرک کندی حكومتك منافع حقیقیه سنی اعراپدن محلی اولیان قره طاغ ، یونان ترالیتلرینه قربان ایتدی . ادوار غره یك بویله ترس دوشونجه لری ، یاکش حسابلری انكتره یه اوتهدن برنی حس صداقتله مربوط اولان بتون مسلمانلری مأیوس ایلدی . هندلیلر ، ایرانیلر ، فاسیلیر ، مصرلیلر ، خلاصه بتون مسلمانلر انکیزلری کندیلرینه ، منفعتلرینه دشمن تاق ایدیورلر .

حكومات اسلامیه نك هیچ بری ، هیچ برزمانده انکیزلردن - خصم صیبه سیر ادوار غره ی رأس کاره کچلیدن بری - بر ایلك و مظاہرته نائل اولمیلر . حتی دیبه بیلیرکه ، اسلاملری اتحاد و آفاقه ، آیدینلعه زور ایله ، قهر ایله سوق ایدن ادوار غره ی اولمشدر . مشار الیه تریاتیله عالم اسلامه ایندیرین ضربه لر ایستر ایسته مز مسلمانلری آغیر براویقودن اویندیرمش وکابوسدن قورتارمشدر . هم اولیه اویندیریش که ، بردها اویمیه جقلرینه ، آرتق کابوسه طوتایه جقلرینه شبهه یوقدر . فاسی فرانسه یه ، طرابلس غره ی ایتالیا یه ، ایرانی روسیه یه بخش ایدن ومصر ایله آفریقایی کندیسنه پای اولورق آلیقویان ادوار غره یله ، آنك چورولک ایمله قویه این ، ترس فکرلی انکیزلردن هانکی مسلمان راضی ومنون اولمیلر ؟ !

اسلامیت محیطی شیمی وسلیمکدن عبارتدرکه هر ایکی طرف انكتره نك متعدد زیانلرینه ، ضربه لرینه اوغرامش و آرتق اختلافات مذهبییه یی بر طرف ایدوب بر بریله قوداش اولورق قالمه قرار ویرمشلردر . عثمانلی ایران حکو - متلرینی بر برندن آیره جق بر قوت - لاسیا بوزمانده - دنیا ده تصور اولنه ماز . هر ایکی ملتك منفعتی ، مفکوره یی ، حرکتی بر در . فلاکت وانتباه بواکی ملتی بر لشاریر مشدر . شوئی دیک ایستز که شیملر ایرانیه ، سنیلرده دولت علیه یه تبعیت ایتك مجبوریتنددر . منفعتلرینی این دوشون مسلمانلر بالطبع بوسره ده اتحاد صاریله جقلردر . بوکا اتحاد اسلام دیه میه جکیز . بلعکس تقدیر منعت وتعیین حرکت دیمکی دها موافق کورمکده یز . بویله اولنجه ، بوداؤره مقدسه یه مصرلی ، هندلی ، چینلی ، آفریقایی ، هیزه لی اولورسه اولسون هر مسلمان الشاق ایده جکدر . بویله ولدی بقی تقدیرده فرانسه وانكتره مستملکاتنده یشایان مسلمانلر دولت متبوعه لرینه اظهار صداقت ایده میه جکلردر . ایتمه مکده ده معذوردرلر . چونکه بونلری ، منفعت تعقیبنه سوق ایدن انكتره ایله بالخاصه ادوار غره یدر ؛ بزیننه انكتره حكومتیه وانکیزلره صوك نصیحتنری ویرمکدن وطوغری سو - یله مکدن چکیمیه رک آنلره ، مسلمانلرله برلشملرینی ویک ستم اولان سیاست حاضرملردن افکار ندامت ایتلرینی تکلیف ایدیورز .

ایرانلیلر هیچ برزمان روسیه یه قارشو صادق قالمزلر . قفقاسیه لیلرده اولیه . ترکستان وماوراء قفقاس مسلمانلری ده هکذا . ایرانك عسکرلی اولماقله برابر قبائیلله ، کویلیلرله روسیه نك باشنه اولدجه ، یر بلا کسبله جکینه شبهه ایتمه ملیدر . تدریجی صورته افغانستان ، هندستان ، مصر ، فاس ، تونس و جزایر مسلمانلری قیام ایدرک عثمانی و ایران حکومات اسلامیه سیله توحید مساعی ایدرلرسه ، آلمانیا و آوستریا یه قارشو کوبلکله حرب ایده بیله جک وضعیتده بولنان ائتلاف ملتك حالی ، توانی قالمی ؟ ! مسلمانلر انکیزلری ، روسیه یه قربان ایتك ایسته مزلر . فقط زمانك الجا آتیه تابع اولورلرسه معذور کورولورلر . بناء علیه شیمیدین - آتش باجایی صارمزدن اول - اسکی خاللری تعمیر وتلاف ایتك زمانی کلشدر . روسیه یه آرتقه سنی چویرمکله انكتره درحال مرادینه نائل اولور . او دقیق دن اعتباراً عثمانی و ایران حکومتلرینی کندیسنه ظهیر کورمه جکدر .

انكتره زیانك نره سندن دونه هر حالده کارلی چیه جقدر . کچیکیرسه ، ترده اوغراسه ، ادوار غره یك ترس توصیه لرینه قولاق ویره پك اولورسه ، هر حالده انكتره حرب عمومى نتیجه سنده ضررلی چیه جقدر .

آلمانلری ، پك این دوشونلکارندن طولایی تقدیر ایتمه مک ممکن دکلد . زیرا بوللرده نخوت ، عظمت ، سائر اوروپا ملتلرینه نسبتله پك آزدرد .

خلافت عظمایك سطوت معنویه ومادیه سی

افرنجی آغستوسك ۱۴ نجی کونی اوندرده ده « البرت همال » ده وقوع بولان بر اجتماعده « جون بورنس » « رفته دن سیر ادوار غره یك سیاستنی پروتستو ایتك اوزره ایراد وتلشرافارله اولجه خبر ویریلوب